

Vorred.

worden. Vnd Syrach hat sich nit geschueuet vnter andere seine weise Lehren vnd Sprüch das Feldbaulob einzumengen / auch der erst vnter seinem Volck schriftliche anweisung zugebē / wie man zu acker faren / die Pflugoche sen antreiben / sie mösten / vñ allerhand Vieh nehren vñ vnterhalten müse.

Ist dan nun erzehletes nicht eyn seine Succession vnd gleichsam Genealogi der Gottseligsten vnd fürtrefflichsten Feldbauer / so inn der Heyligen Schrift berühmet? Solt die erinnerung solcher gedachter alten / vnd vorbenanter hocheleuchten personen / welche die Feldarbeit geübet / eynem nit eyn lust / zur erkündigung vnd erfahrung des feldbauens bringē? Demnach solches die ältesten / frömsten / klugesten vñ weisesten jederzeit haben geprauchet / ja gar auß der Paradisischen vnschuld seinen anfang vñ vrsprung hat geschöpfft / vnd daher Gott am aller gefälligsten ist / vnd darüm von ihm am meisten gesegnet wird. Derwegen billich eyner nachmals mit dem Poeten Vergilio möcht exclamieren vnd ruffen.

O fortunatos nimium, sua si bona norint,
Agricolas, &c. Das ist.

Wie glücklich sint zu nennen
Die Bauersleut / so jr glück erkennen.

Was für eyn herrlichen Catalogum Königlicher vñ Fürstlicher Feldbaukündiger personen könte man erst auß den Heydnischen Historien hie einführen / wa nicht zubeforgen / das man solches / welches zuvor E. Ch. G. gnugsam künstlich / hie einmengte.

Dann welchem sind so manche inn Historien berühmte Potentaten / Herren / Edle vnd gelehrte unbekannt / welche ihre köstliche Statthäuser / Schaulan / vnd andere ansehliche gebäu inn der Statt haben verlassen / vnd sich auff das Land gethan? Oder hinwider diese / welche auch vom Acker vnd Pfluge zu den Regimenten sind gezogen worden? Desgleichen Cyrus der gewaltige Monarch der Persier / mit nichts sich also sehr hat erlustiget / dann wann er inn eyn Garten eyn schön Geländlin mocht staffieren / vnd selbs die Bäume nach rechter maß setzen oder ordnen. Item Keyser Diocletianus / der gutwillig oftmals seinen Scepter bei seite legte / vnd enne Schaufel oder anderen Gartenzeug inn die Hand name / vnd seinen Bauersleuten zupflanzen behülfflich war. Desgleichen Alexander / der auch seine Gartenleuth stattlich begabet / vnd Abartonio sein Gartenbesprenger eyn feines Landgut verehrte.

Item die jenigen / welche den Kräutern / ire namen gegeben / als Lyfimachia, Gentiana, Teucrium, Eupatorium, &c. oder von iren Früchten ire zunamen angenommen / als Fabij, Lentuli, Pisones, Cicerones, Curiones. Item so viel Römische Senatores, Dictatores vnd Consules, welche wiewol sie inn der herrlichsten Statt vnd Policei hoch angesehen gewesen / gleichwol nimmer
lustig